

朝鮮史料汇编



中国文献珍本丛书

朝鲜史料汇编（十三）

全国图书馆文献缩微复制中心

高麗史（卷一〇六—卷一一四）

列傳第十九

高麗史一百六

正憲大夫工曹判書集賢殿大提學

知經筵春秋館事兼成均大司成臣鄭麟趾奉

教修

白文節

顧正

白文節字彬然藍浦郡人新羅諫官仲鶴之後高宗
時登第入翰林院累官至中書舍人歷吏部侍郎國
子祭酒忠烈朝拜司議大夫時無功有世累者多補
官卽舍不署告身王屢趨之不從有人銜之托左右
以激王怒會承旨李尊庇將啓監察司狀王意僉議
府狀大怒叱退尊庇命忽亦崔崇繫文節及司議金
愔給事中金之瑞典書崔守璜中舍卽李益培司諫

李行儉李仁挺正言鄭文張碩等尊庇欲辨復進王
疑救卽舍責止之卽罷文節等官尊庇厲聲曰王不
察臣心臣何敢司出納請從此免歸李之氏進曰尊
庇所白者監察司狀非僉議府狀也上不之察罪卽
舍責尊庇且僉議府百官之長使一忽亦夜縛諸卽
舍于國體何王取閱其狀悔遂釋之俄遷國學大司
成寶文閣學士八年卒文節文詞富贍下筆沛然為
一時所推不才自負元宗復位如元林衍以其子
惟幹及腹心危行固要勿言廢立事王使文節撰表
言以病辭位文節閣筆泣諫王感悟奏以實文節常
若懶迂及是人知其有志節子頤正孝珠頤正天資

純厚有公輔器事忠宣有志輔導忠宣不用其言累
官僉議評理商議會議都監事後封上黨君時程朱
之學始行中國未及東方願正在元得而學之東還
李齊賢朴忠佐首先師受孝珠官至大護軍

朴恒

朴恒字草之初名東甫春州吏聰慧美鬚髯高宗朝
登第蒙兵陷春州恒時在京不知父母死所城下積
屍如山貌肖者皆收瘞至三百餘人後聞母被虜在
燕再往求之竟不得選補翰林院倅忠州政最微拜
右正言按慶尚全羅二道有聲績忠烈朝拜承宣掌
銓注先是政房銓注時出宿其家干謁填門恒始銓

注訖乃出禁中後人遂以為常以同知密直司事從
王入朝平章哈伯使外郎問宰樞曰忻都云天子令
高麗諸島民出陸高麗復使島居差勾當使有諸恒
曰至元七年我國以帝命復都舊京其諸島民未有
出陸之命但以三別抄叛據珍島耽羅招討使金方
慶但令全羅慶尚近賊諸島出陸避擄掠陸處者不
可不鎮撫所以差勾當使也曰島民乘舟成群往來
如生事何恒曰島嶼之人以魚鱉為衣食往來漁釣
非官吏所當禁也且朝廷凡有命小邦者皆下帥府
及達魯花赤忻都以元帥駐鹽州已久西海諸島如
喬桐龍媒與帥府相望忻都何坐視而不使出陸耶

其無朝命明矣哈伯不敢詰拜叅文學事尋陞贊成
事王欲依舊制親覆試及第僧祖英得幸于王為其
姪吳子宜及親舊者欲令不限登第久近皆赴試王
問柳敬敬對新舊及第及衣冠子弟披藍者宜悉赴
時人謂敬之言為其孫仁明孫壻權永也內官將軍
李之氏言殿試之法自毅廟以來廢弛幾百餘年今
國家多事正宜未遑又本國人譖搆上國者多恐誣
指殿試為天場責以僭越待制郭預亦嘗沮之命展
試期後祖英強王行之雖執政近臣不之知恒請依
舊制試之王不允祖英將子宜等試藁達王因請拆
糊封定科目取十五人以子宜為首餘皆親舊王召

恒云予不能遍考卿與祖英第高下祖英恐事不濟
與恒言日者上見子宜詩賦業已定乙科何必改為
恒知祖英意遣中使白王與旋題員郭預搃郎崔守
璜右正言李子芬等考定及榜出趙簡居首皆非祖
英所定元世祖將征日本戰艦軍糧器仗令本國一
切幹辦而遣元帥忻都右丞洪茶丘監督君臣拱手
聽命力不能堪恒言于王具以狀奏帝授王左丞相
行中書省事金方慶為征東都元帥又有萬戶千戶
百戶俱受宣命符信使忻都等不得自專其東征供
億之策及軍機措置皆自恒出七年卒年五十五謚
文懿富文章寬厚善接人孜孜奉公長于吏治時稱

其能然臨事自用不恤人言所擢多其思舊嘗殿試
中選者九人其五皆恒門生人謂白圭一玷子元宏
後改光挺受金符為副萬戶

郭預

郭預字先甲初名王府清州人高宗時擢第一人及
第調全州司錄元宗初補詹事府錄事與洪汙賁和
親牒如日本請還被擄人口預有才行無汲引者蹇
滯不進為史館所薦以禮賓注簿兼直翰林院忠烈
王素聞其名及即位始擢用遷版圖正郎寶文署待
制知制誥為必閣赤入叅機務士林稱得人歷國子
司業典法提即衛尉尹春官侍講學士拜右副承旨

建議禁宰牛馬為同知貢舉辭以典法判書金惲位在已上請改命人多其謙讓會惲丁憂復以預掌試所取多知名士陞左承旨國子監大司成文翰學士十二年加知密直司事監察大夫如元賀聖節卒于道年五十五為人平淡勁直謙遜樂易雖至貴顯如布衣時善屬文書法瘦勁成一家體當世效之翕然一變其在翰院每雨中跣足持傘獨至龍化池賞蓮後人高其風致多咏其事子雲龍鎮雲龍仕至都津長鎮登第為校書郎後棄官為僧

朱悅

朱悅字而和綾城縣人父慶餘以縣吏登恩賜科悅

高宗中登第出為南原判官選補國學學錄累遷監察御史歷宰羅靜二州昇天長興二府皆有聲績元宗朝以兵部郎中連按忠清慶尚全羅威名日振人皆敬畏國有大事擇使命則必首舉之為按廉時有內臣崔仲卿奉使至服美誇人悅疾之衣敝衣伸脚坐捫虱而談旁若無人仲卿慚赧悅嚴重不苟細嘗宿一州夜半火發突隙燃寢席悅驚起邑吏大懼終不問有人告某邑宰受賂其宰乃中郎將也悅曰貪鄙武夫受些小賂如狗食不潔何足數也遂不罪入為禮部侍郎忤林衍竄海島衍死召還為東京留守未幾拜禮賓卿轉諫議大夫尋判少府東宮侍講學

士元遣忽林亦將兵鎮合浦供億浩繁士卒徵求無厭小不滿意便侵暴一方騷然王以悅為慶尚道安撫使悅至合浦減軍須冗費什七八士卒忿怒攘臂悅儼然不為動面諭以義士卒歛退民賴以安陞判秘書省事忠烈即位重悅才名授翰林學士遷三司使時累經兵亂民多流亡遣悅于慶尚郭汝弼于全羅為計點使招集之命勿役內庫處于悅等不從坐罷居無何拜版圖判書遷軍簿元征日本遣荆萬戶如合浦悅伴行荆萬戶杖接伴使柳陞所至陵暴聞悅名不敢肆進副知密直典法判書悅抗直不與世俯仰疾惡如仇必厲聲大罵苟非其人雖權貴不為

禮以故久淹滯不能無怏怏嘗以事至相府宰相與
言悅坐聽貌甚倨宰相使吏語曰宰相有言宜伏地
聽悅曰宰相之言伏地聽則君上之言將掘地聽乎
終不屈尹秀李貞訴王曰悅輕辱吾輩罵及父請問
之王曰悅天性然也不必問再言王使人問之對曰
誣語可明也江都有養三岐嘗有無賴男子養三者
橫行此岐故名焉聞養三是尹秀之父若李貞之父
則不知為誰焉得罵蓋貞之父賤故云然王曰我知
悅必出此語更不問十三年引年乞退以知都僉議
府事致仕尋卒性豁達不事家產雖至達官自奉如
寒士奉使四方公廉一節文章富贍筆法亦奇王常

稱其賢悅貌醜鼻如爛橋齊國公主始至宴群臣悅
起為壽公主驚曰何遽令老醜鬼近前耶王曰此老
貌醜如鬼心清如水公主敬重舉觴而飲悅愛酒未
嘗一日不飲嘗奉使至一縣時造禁酒渴甚索水令
知悅嗜酒酌臣枕以進便默然飲令再進悅曰此子
支離人也又飲倒臨死其妻進酒悅曰此餞杯也遂
引滿而卒謚文節子印遠別有傳

李湊 行儉

李湊字浩然金馬郡人高宗時登第調富城縣尉入
為都兵馬錄事選直史館以事落職尚書金敞愛其
才薦補校書郎累遷起居舍人元宗朝歷兵禮二部

侍郎國子祭酒以左諫議大夫上章乞退加尚書左僕射翰林學士承旨致仕忠烈四年卒年七十八性溫良能屬文工筆札平生不理家產家無擔石之儲

子行儉

行儉中第調晉州司錄稍遷尚書都事兼直史館久之出知洪州事陷于三別抄之亂賊使掌選法及金方慶破賊以行儉為其父孝印門生活之後守清谷豐三州以廉簡稱忠烈時為司諫與監察侍史金弘美等不署正郎林貞杞奉議郎高密告身密妻善釀酒每以酒媚權幸因以得官貞杞等托鷹坊以王命督署之不從王怒流行儉等于海島其族李尊庇言

于上將軍廉承益曰行儉有母年八十日夜啼呼得疾瀆死公能使母子相見為惠大矣承益以告王默然既而曰行儉罪不可宥然聞尊庇之言使我惻然命釋之後為典法郎貞和院妃有寵于王認民為隸民訴典法司有旨督令斷與貞和判書金悾與同僚欲斷為隸行儉死執不可會疾作在告悾幸其亡即決之人有夢利劒自天而下斲斷法官吏明日悾疽背死同僚亦相繼而死行儉獨免累官至國學典酒寶文閣直學士致仕又加讞部典書致仕忠宣二年卒年八十六性恬靜寡言家貧不事產業手書佛經老益勤子稷崖稷登科官至成均大司成崖監察